

集部

設定四車全書 右臣等伏見近日言事之臣謂陛下言建學取士之法 欽定四庫全書 言雖殊其意則一 或欲但舉舊制而修廢墜或欲特創新學而立科條其 者眾矣或欲立三含以養生徒或欲復五經而 置博士 歐陽文粹卷十 奏狀 議新學 ÏŲ 陛下慎重其事下其議於羣臣而議 歐陽文称 宋 陳亮 綿

其言 而 其 也古之建學取士之制 之 政與設教者遲速異宜也夫立時日以趙事考其功過 者遂欲創新學立三舍因以辨士之能否而命之以官 難 督以賞罰者為政之法也故政可速成若夫 取士此皆有國之本務而帝王之極致也而臣等謂 始 行者何哉盖以古今之體不同而施設之方皆異 則甚備考于事則難行夫建學校以養賢論材德 也則教以經藝文解其終也則取以材識德行聽 非如今之法也盖古之所謂 設教則

九三日尾八季 國之後選其不入學自成重而學至年四十而任其習 事長上信朋友而臨財庶處衆讓其修於身行于家達 乎禮樂之容講乎仁義之訓敦乎孝悌之行以養父兄 家有熟黨有库衙有序國有學自天子諸侯之子下至 以勸善興化尚賢勵俗為事其被於人者漸則入於 者而薦之始謂之秀士久之又取其甚秀者為選士久 也深收其效者運則推其功也遠故常緩而不迫古者 于鄰里聞于鄉黨然後詢于衆庶又定於長老之可信 歐陽文粹

廣察以鄰里鄉黨而後其人可知然則積德累善如此 之常壽也古乃以四十而任盖用其半生為學考行又 之又取其甚秀者為俊士久之又取其甚秀者為進士 不容於其間而風俗不陷于偷簿也古之建學取士 詔貢舉而議者患於太遲更趣之為問歲而應舉之 施設之方如此也方今之制以貢舉取人往者四歲 而久求賢審官如此慎而有次第然後精偽干利之 辨其論隨其材而官之夫生七八十歲而死者人

金石口月子量

久と日年とい 遲取之欺待其衆察徐考而漸進則文辭之士先以中 勸人修德行而及以利誘人為矯偽此其不可一也若 縣也臣請詳言方令之弊既以文學取士又欲以德行 士本於舒遲而令之取人患于急迫此施設不同之大 庠 士來學於京師者類皆去其鄉里遠其父母妻子而為 官人且連取之歌則真偽之情未辨是朝廷本欲以學 旦慕干禄之計非如古人自成童至于四十就學於其 序而鄰里鄉黨得以衆家徐考其行實也盖古之養 歐陽文料

起于處士之横議而相訾也此其不可三也夫人之材 數人之品藻爾然則同學之人蹈利爭進愛憎之論 考其行實也不過取于同舍一時之毀譽而決於學官 非 行若不因臨事而見則守常循理無異衆人尚欲異衆 朋黨者東漢之俗尚名節而黨人之禍及天下其始 如古人在家在學自少至長親戚朋友鄉黨聚察徐 甲科而德行之人尚未登於內舍此其不可二也且 入學之人皆四方之遊士蘅其一身而來爲合羣處 处

金罗巴尼石重

ኍ 識之譽前日慶歷之學其弊是也此其不可四也今若 このうい 示人以不廣此其不可六也夫儒者所謂能通古今者 五也近者朝廷思四方之士寓籍京師者多而不知其 外方專以文學貢士而京師獨以德行取人則實行索 则 履著於鄉曲而守道丘園之士皆反見遺此其不可者 云欲考其德行若不用四方之人止取京師之士則又 行逐嚴其法使各歸於鄉里个又反使來聚於京師 必為迂僻奇怪以取德行之名而高該虚論以求材 7.13 歐陽文料 20

師而謹察其有過無行者點去之則在學之人皆善士 甚害創之亦可也在乎深本教學之意而修其實事給 五經博士可也特創新學雖不若即舊而修廢然未有 近 緩而不迫所以勸善興化養賢勵俗在於遲久而不求 粮糧多陳經籍選士之良者以通經有道之士為之 效急功也臣謂宜於今而可行者立為三舍可也 知其意達其理而酌時之宜爾大抵古者教學之 取以貢舉之法待其居官為吏已接於人事可

: 銀定四庫全書

裁擇 等伏見論學者四人其說各異而朝廷又下臣等伊之 而偷薄之風歸厚矣此所謂實事之可行於今者也臣 其行非為一時之利而可伸於終身則矯偽之行不作 所有以助衆議之一非敢好為異論也伏望聖慈特賜 詳定是欲盡衆人之見而採其長者爾故臣等敢陳其 火に四年公馬 考其賢善優劣而時取其尤出類者旌異之則士 論舉人懷挾 歐陽文粹 Д 修

科場人數倍多於住歲事既太盛弊亦隨生竊間近年 析多作古文其辭藝可稱履行修飭不可勝數然累次 臣伏見國家自興建學校以來天下學者日盛務通 金いりりんろう 校文字入至試院其程試則他人代作事不敗則賴其 本筆工獲錢三二十千亦有十數人共斂錢三二百千 顧倩一人居依舉人名目依例下家狀入科場私令懷 來互相傳授事敗則不過扶出一人既本非應舉 人公然懷換文字皆是小紙細書抄節甚備每寫 經

大百日年二十 才令若浮偽之人容其濫進則使負卒勤蘊實學者無 無濫舉朝廷得實才臣令欲乞增定責院新制寬監門 能令浮薄之徒不知朝廷崇獎之意自為姦偽以至於 以自別且自來科場務全事體所以優加禮遇用待賢 之責重巡捕之賞蓋以入門之時一一 徒不容於其間則實有學行之人得被進選然後士子 此甚可歎也惟宜峻立 科條明加約東使浮薄姦偽之 雖敗別無刑責而坐獲厚利竊以國家取士務得實 歐陽文於 搜檢則慮成重

指射差遣若搜檢覺察得人數多者令知舉官開奏取 金分口屋在書 小人自為浮薄不可不行禁止以革厚弊如允所奏乞 外 · 自重加酬獎其巡捕官除私得巡察懷挾及傅授文義 京朝官巡捕每獲懷挟者許與理為勞績或免遠官或 立定巡捕官賞格及懷挾人責罰刑名添入貢院新定 不得非理侮慢舉人庶有事體且朝廷待士甚厚而 故臣乞自舉人入院後嚴加巡察多差內臣及精 仍膀南省門及下進奏院頌告天下所 貴先明條

欽定四庫全書 求其實用人之祈當盡其材令教不本於學校士不察 擇其便於今者莫若使人皆土著而教之學校然後州縣 則不足盡人村此獻議者所共為言也臣等參考衆說 臣某等近準物差詳定貢舉條制者伏以取士之方必 約然後必行取進止 察其履行則學者修飭兵故為學制合保薦送之法夫 於鄉里則不能嚴名實有司東以聲病學者專於記誦 議科場 歐陽文幹

及矣此所謂盡人之材也故為先策論過落簡詩賦考 治亂兵簡其程試則閱博者得以馳赐矣問以大義則 而無益者一切罷之凡其為法者皆申之以賞罰而 經術之未能亟通者尚依舊科則中常之人皆可勉 問諸科大義之法此數者皆大要也其他通禮一有司 經者不專於記誦矣其詩賦之未能自律者雜用令 所習及州郡封彌騰録進士諸科填帖之類皆細碎

上之設法下之所趙也今先舉策論則文詞者留心於

前世有國者莫不以史職為重伏見國朝之史以宰相 來負具而職廢其所撰述簡略遺漏百不存一至于事 當性握者乃命修起居注如此不為不重矣然近年以 監修學士修撰又以两府之臣撰時政記選三館之士 臣伏以史者國家之典法也自君臣善惡功過與其百 馬如此則養士有業取材不遺苟可施行望賜裁擇 事之廢置可以垂勸戒示後世者皆得書而不隐故自 論史館日歴 歐陽文粹

史官雖欲書而不得書也自古人君皆不自則史今撰 宣新臣下奏議事關得失者皆不紀録惟書除目解見 其弊在於修撰之官惟據諸司供報而不敢書所見聞 故也今時政記雖是兩府臣察修養然聖君言動有所 關大體者皆沒而不書此實史官之罪而臣之責也然 類至於起居注亦然與諸司供報文字無異修撰官 據此餘次排以日月謂之日歷而已是以朝廷之事 既成必録本進呈則事有諱避史官雖欲書而又不!

ز ۲

書亦聞修撰官甚欲紀述以修纂後時追求莫得故也 竊見趙元昊自初叛至復稱臣始終一宗事即皆不曾 故暴録者常務追修積滯不暇及之若欲華其弊則前 得 後相因史官永無舉職之時使聖朝典法遂成廢墜臣 其於他事又可知馬臣令欲乞特韶修時政記起居注 敢書也加以日思時政記起居注例皆承前積滯相因 を 日日 巨 臣並以德音宣諭臣下奏對之語書之其修撰官不 依前私據諸司供報編次除目解見並須考驗事 とよう 歐陽文粹

戒此國家置史之本意也至於他大事並許史院據所 金好正居在書 明皆備書之所以使聖朝賞罰之典可以勸善懲惡昭 緣白草平事近日大臣所坐之類事有文據及迹狀分 王則之類其敗職者坐其罪如昨來麟州守将及并州 其除某官者以某功如秋青等破儂智高文彦博等破 示後世若大臣用情朝廷實罰不當者亦得書以為聲 異同朝廷裁置處分並書之已上事節並令修撰官逐 聞見書之如聞見未詳者直牒諸處會問及臣察奏議

右臣伏見學士院集两省臺諫議修河事未有一定之 次月供報並乞更不進本所貴少修史職上存聖朝典 堕官失職者奏行責罰其時政記起居注日思等並令 宰相親至史院點檢修撰官紀録事迹內有不勤其事 鎌候諸司供報齊足修為日歷仍乞每至歲終命監修 時旋據所得録為草卷標題月分於史院躬親入櫃封 法此乃臣之職事不敢不言謹具奏聞 論脩河利害弟

欠こり再二

歐陽文粹

莫 急此則減水之利虚妄可知開六塔者又云可以全廻 者但見河北水患而欲還之京東不思天禧以來河水 原述六塔者近乎欺罔之謬何以言之今謂故道可復 論盖由賈昌朝欲復故道李仲昌請開六塔互執 詳利害之原也若言六塔之利者不攻而自破矣且開 六塔既云減得大河水勢然今恩其之患何緣尚告危 屢決之因所以深知故道有不可復之勢此臣故謂未 知熟是以臣愚見皆謂不然言故道者未詳利害之 說

金分四月全書

たこの自 言 私以今所欲復之故道言天禧以來屢決之因初天禧 歸 上流低下處決此其常勢也然避高就下水之本性故 於之理於殿之勢常先下流下流於高水行不快乃自 如 河流已棄之道自是難復臣不敢遠引書史廣述 河出京東水行于今所謂故道者水流淤溢乃於 何此臣故謂近乎欺罔之謬也臣聞河之泥沙無不 已為濱棣德博之患若全廻大河以入六塔則其害 河使復橫壠故道見今六塔私是分減之水下流無 歐陽文幹 河

為患至慶思三四年横跪之水又自下流先淤是時臣 金好四月在書 道非不能力復不久終必決於上流者由故道於高水 終以壅然故又於橫壠大決是則決 州天臺埽決尋而修塞水復故道未幾又滑州南鐵狗 不行故也及横城既決水流就下所以十餘年間河未 又於王楚婦決所決差小與故道分流然而故道之水 河北轉運使海口已於百四十餘里其後遊金亦 者也其後數年又議修塞水令復故道已而 河非不能力塞改

也若云銅城已東地勢斗下則當日水決宜決銅城 特高爾其東北銅城已上則似低比商胡已上則實高 道屢復屢決理不可復其驗甚明則六格所開故道之不 東橫壠两河皆是下流淤塞河水已棄之萬地京東故 可復不待言而易知臣開議者計度京東故道工料 河相次又淤下流既梗乃又淤上流商胡復決然則京 銅城已上地高不知大抵東去皆高而銅城已上乃 何縁而頓於横雅之口亦 以易し卒 何緣而決也然則兩

擇也臣見往年商胡初決之時議欲修塞計用一千 之猶勝害多而利少何况有害而無利此三者可較而 道既皆不可為則河北水患何為而可去臣聞智者於 事有所不能則必較其利害之輕重擇其害少者而為 功料極大後來李麥等減得全少猶用三十萬人 百萬梢芝科配六路一百有餘州軍令欲塞者乃往年 欲以五十步之狹容大河之水此可笑也又欲增一夫 之商胡必須用往年之物數至于開鑿故道張奎元計 然而

飲定四庫全書

とするオ

とこうきんけ 無利者也就使幸而暫塞暫復以舒目前之患而終於 皆国國而勞人所舉如此而欲開難復屢決已驗之故 難興後功雖小而不實大抵塞商胡開故道凡二大役 第之乃八倍之功此豈人力之所勝是則前功浩大而 上流必決如龍門横壠之比重以因國勞人此所謂利 道使其虚費而商胡不可塞故道不可復此所謂有害而 所開三尺之方倍為六尺且闊厚三尺而長六尺已是 倍之功在於人力已為勞苦若云六尺之方以開方法 歐陽文件 +

德博河北所仰之州不勝其患而又故道淤澁上流必 之實今下流所散為已多若全廻大河以注之則濱棣 少而害多者也若六塔者於大河有減水之名無減水 金片四月全書 今若因水所注增治限防疏其下流浚以入海則可無 決溢散漫之虞今河所思數州之地誠為患矣限防歲 有他決之虞此直有害而無利爾是則智者之不為也 不能成乃終不免為數州之患勞歲用之夫此則所 之失誠為勞矣與其虚費天下之財虚舉大衆之役

虞復故道上流必決開六塔上流亦決今河下流若不 計愚不足以備聖君博訪之求此大事也伏乞下臣之 無涯臣非知水者但以今事目可驗者而較之爾言狂 大己可見と野 議廣謀於泉而裁擇之 求其入海之路而浚之不然下流梗溢終虞上決為患 謂害少者乃智者之所擇也大抵今河之勢負三決之 八海則上流亦決臣請選知水利之臣就其下流 論修河利害第二 歐陽文幹 古

敢遠 其始而審然後必行計其所利者多乃能無悔伏見比年 於故道已下三司候令秋與役見令東京計度物料 右臣竊見朝廷近因臣察建議欲塞商胡橫鄉廻大 之臣不慎計應遠謀修塞科配一千八百萬梢艾縣 伏以國家與大役動大衆必先順天時量人力謀於 偏說舉事之初既已倉皇奉議一 與役動衆勞民費財不精謀慮於厥初輕信利害 引他事上煩聖聰祇如往年河決商胡是時執政 摇尋復悔罪臣不 河

金与口尼人言

卷十

たこうるくら 年當此天災歲早之時民国國貧之際不量人力不順 十萬人之衆開一千里之長河計其所用物力數倍往 難追而可鑒之蹤未遠今者又聞復有修河之役聚三 於道途或物已輸官或人方在路未及與役處已能修 虚費民財為國飲怨舉事輕脫為害若斯雖既往之失 天時臣知其有大不可者五盖自去秋以及今春半 下苦旱而京東尤甚河北次之國家常務安静脈鄉 歌赐史粹

六路一百有餘州軍官吏催驅急若星火民庶愁苦盈

路差夫則遠處難為赴役就河便近則此兩路力所不 户流七十失八九數年以來稍稍歸復然死亡之餘所 其必不可者一也河北自思州用兵之後繼以凶年 無亦向去無望而欲於此兩路興三十萬人之役若別 無雨雪麥不生苗已及暮春栗未布種不惟目下乏食 任此其必不可者二也臣伏見性年河決滑州曾議修 存無幾瘡淚未飲物力未充今遭此早歲京東自去冬 猶恐機民起而為盗何况於此兩路聚大衆興大役此

重好四周全書

民財數年之間方能與役况今國用告匱民力方渡且 合商胡大決之洪流此自是一 塞當時公私事力未如今日貧虚然猶多聚物料誘 興大役尚須數年今併三大役倉卒與於早歲貧虚之 已廢壞頓須修緝此又一 改道此又一大役也自横雅至海一千餘里場岸 察天時人力之 此其必不可者三也就令商胡可塞故道可廻猶宜)難為 吹易し年 何况商胡未必可塞故道未必 大役也住年公私有力之時 一大役也鑿開橫壠久

ニナ 鈆定四庫全書 注此大禹之所不能此其必不可者四也横熾厘塞 欲逆水之性障而塞之奪洪河之正流幹以人力而 可廻哉臣聞 以大禹之神功不能障塞其流但能因而疏決爾今 水潤下之性乃因水之流疏決就下而水患乃息然 極大近者再行檢計得功料全少切料少則所開 難廻 年商胡流決又亦數歲故道已平而難鑿安流已 昨聞朝廷曾遣故樞密直學士張奎計度 蘇厘洪水九年無功馬得洪範五行之書 迴

累歲災禮甚多其于京東變異尤大地貴安静動而有 聲與鳩山推海水摇荡如此不止僅乎十年天地做戒 地動山搖災禍自兹而始方今京東赤地千里饑饉之 於山旱之年聚三十萬之大衆於變具最大之方臣恐 必不虚發臣謂變異所起之方尤宜加意防懼令乃欲 狹淺狹則水勢難廻此其必不可者五也臣伏見國家 こうこ シニー 流亡盗賊之患不可不虞欲望聖慈特降德音速罷其 正苦天災又聞河役將動往往伐桑拆屋無復生計 歐陽文幹 t

超定四庫全書 事當荒歲務安人心徐詔有司詳審利害縱令河道 復乞俟豐年餘力漸次與為臣實庸愚本無遠見得於 此大事也中外之臣皆知不便而未有肯為國家極言 三日無策令執政之臣用心於河事亦勞矣初欲試 右臣伏見朝廷定議開修六塔河口町水入橫雅故道 論不敢不言謹具狀奏聞 利害者何哉盖其說有三一日畏大臣二日畏小人 論修六塔河

大而其害未至夫以利口小人為大臣所主欲與之爭 **無目下之患雖小然其患己形回入六塔將來之害雖** 既用其議必主其人且自古未有無患之河今河浸思 肯言也李仲昌小人利口偽言泉所共惡令執政之 復止之勢固非一人口古可回此所以雖知不便而罕 難於復止也夫以執政大臣銳意主其事而又有不可 處又罷之已而終為言利者所勝今又復修然則其勢 萬人之役以開故道既又捨故道而修六塔未及興役 こうし ここ 飲傷文件 臣

自古無無患之河直欲使河不為患若得河不為患雖 未形之害勢之難奪就使能奪其議則言者猶須獨任 以雖知不便而罕敢言也令執政之臣用心太過不思 恩與為患之責使仲昌得以為辭大臣得以歸罪此 道 功不多不得不信為奇策於是決意用之今言者謂 **唱人力猶當為之况聞仲昌利口龍辨謂費物少而用** 此所以雖知不便而罕肯言也眾人所不敢言而臣 既不可復六塔又不可修詰其如何則又無策以取

金克四庫全書

今獨敢言者臣謂大臣非有私仲昌之心也直欲與利 除害爾若果知其為患愈大則宣有不回者哉至於顧 小人之後患則非臣之所應也且事欲知利害權重輕 利者之所為也今言修六塔者奇策也然終不可成而 若循常之計雖無大利亦不至大害此明智之士善擇 趙爾雖大禹不過此也夫所謂奇策者不大利則大害 有不得已則擇其害少而患輕者為之此非明智之士 不能也况治水本無奇策相地勢謹殿防順水性之所

大己日東全事

歐陽文符

九

患三而為害無涯自河決橫壠以來大名金限婦歲歲 略陳其大要惟陛下詔計議之臣擇之臣謂河水未始 為害愈大言順水治限者常談也然無大害為國計者 金罗巴万人 塞商胡復故道者其患二而連開六塔以回今河者其 必肯為也臣前已具言河利害甚詳而未家林聽今復 欲何所擇哉若謂利害不可必但聚大衆與大役勞民 不為患今順已決之流治限防於恩與者其患一而運 因國以試奇策而僥倖於有成臣謂雖執政之臣亦未

胡決後議者貪建塞河之策未當留意於限防是以今 過一二年間上流必決此二患而連者也今六塔河 胡口使水歸故道治限修埽功料浩大勞人費物困弊 流於塞則上流必有決處此一患而遲者也令欲塞商 患可樂不至為大害所謂其患一者十數年間今河下 公私此一患也幸而商胡可塞故道復歸高於難行不 水浸溢今若專意併力於恩其之間謹治是防則 治及商胡再決而金限益又加功獨恩與之間自商

九己可見 二十

歐陽文粹

Ŧ

而 髙流行艱澀則上流必決此三患也所謂為害而無涯 貧虚此二患也三五年間五州凋弊河流注溢久又於 界成被其害此五州者素號富饒河北一 於塞商胡數倍其為困弊公私不可勝計此 引 可塞水入六塔而東橫流散溢濱棣德博與齊州 河道治二千餘里段防移一縣两鎮計其功費又大 水注之不惟五州之民破壞田産河北一路坐見 一路用財所 起也幸

金好四月五十

雖云己有上下約然全塞大河正流為功不小又開六

シスロラム 雖恩與之人令被水患者亦知六塔不便皆願且治恩 未奉使契丹時已當具言故道六塔皆不可為惟治**隄** 諭也至如六塔不能容大河橫壠故道本以高淤難行 也今為國誤計者本欲除一患而反就三患此臣所 順水為得計及奉使往來河北詢於知水者其說皆然 事甚多士無愚智皆所共知不待臣言而後悉也臣前 千餘里隄埽不可卒修修之雖成又不能捍水如此等 而商胡決令復驅而注之必横流而散溢自澶至海二 歐陽文件

銀定四月全書 替李仲昌等不用選一二精幹之臣與河北轉 運使副 默伏乞聖慈特諭宰臣使更審利害速罷六塔之役差 及恩與州官吏相度限防併力修治則今河之水必不 **其限防為是下情如此誰為上通臣既知其詳豈敢自** 資也况功必不成後悔無及者少臣言狂計愚惟陛下 而已不必求奇策立難必之功以為小人僚與恩賞之 至為大患且河水天災非人力可回惟當順尊防捍

三十餘年通經學古履忠守道之士所得不可勝數而 とううえいけ 出故朝廷亦莫得而聞此乃如臣等輩所宜求而上達 國家下詔書戒時文諷勵學者以近古盖自天里迄今 為賢推善之意以為為時得士亦報國之一端往時自 臣根以庸虚切塵侍從無所裡補常愧心顔竊慕古人 也伏見眉州布衣蘇洵履行純固性識明達亦嘗一 四海之廣不能無山嚴草野之遺其自重者既伏而不 薦布衣蘇洵 歐陽之粹 手

謹具狀奏聞伏候物旨 隨狀上進伏望聖慈下兩制看詳如有可採乞賜甄録 仕進茍無薦引則遂棄於聖時其所撰書二十篇臣謹 文之士也其人文行久為鄉問所稱而守道安貧不營 十篇解辨閱偉博於古而宜於今實有用之言非特能 文章不為空言而期於有用其所撰權書衙論機策二 都定四庫全書 有司不中遂退而力學其論議精於物理而善識變權 蘇軾應制科

欠己日本小 學問通博姿識敏明文采爛然論議。出其行業修筋 右臣伏以國家開設科目以侍傷賢又詔两省之臣舉 右臣猥以庸虚過蒙獎任竊惟古人報國之效無先薦 聖慈召付有司試其所對如有該舉甘伏朝典 名聲甚遠臣今保舉堪應材識無茂明於體用科欲望 庸暗其敢不勉臣伏見新授河南府福昌縣主簿蘇較 其所知各以聞達所以廣得人之路副仄席之永臣雖 舉章望之曾举王回充館職 歐陽文料 车

博文解敏魔不急仕進行義自修東南士子以為師範 賢雖知人之難愧於不廣而高材實行亦其多得尚有 金牙巴尼有量 問此三人者皆一時之秀宜被朝廷樂育之仁而或廢 章流布遠過志節高與自守不回前亳州衛真縣主簿 處江湖或沈淪州縣不獲聞達議者惜之其章望之曾 王回學行純固論議精明尤通史傅姓氏之書可備顧 太平州司法祭軍曾雖自為進士已有時名其所為文 所見其敢默然臣竊見秘書省校書郎章望之學問通

如後不如舉狀臣甘當同罪 **鞏王回臣令保舉堪充館閣職任欲望聖慈特** ここう Į.

		 		1		T
歐					ĺ	
歐陽文粹卷十						
大						
					1	
を						
17	1					
1	l					
<u> </u>	<u>L</u>	 				

集部

欽定四庫全書歐陽文粹卷十四至

詳校官庶吉士臣范逢恩

檢討臣何思的覆勘

總校官無吉士臣倉聖脈 校對官中書臣孫 於録監生臣孔廣平 謄録監生 臣華春芳 球

次定四氧人写 **泯滅而己而衆人之中有聖賢者** 歐陽文料 其所以為聖賢者修之 其為生雖異而為死則 宋 陳亮 人者雖 編

又有能有不能也施於事矣不見於言可也自詩書史 者無所不發施於事者有得有不得馬其見於言者則 語省兵若顏回者在陋巷曲肱饑即而已其羣居則黙 事不見於言亦可也孔子弟子有能政事者矣有能言 記所傅其人豈必皆能言之士哉修於身矣而不施於 之於事見之於言是三者所以能不朽而存也修於身 殿日如愚人然自當時羣第子皆推尊之以為不敢 两及乎後世更百千歲亦未有能及之者其不朽而

金りにたんず

火己口車心馬 此今之學者莫不慕古聖賢之不朽而勤一世以盡心 有速而卒與三者同歸於混滅夫言之不可恃也盖如 草木祭華之飄風鳥獸好音之過耳也方其用心與力 庫書目見其所列自三代秦漢以来著書之士多者至 之勞亦何異聚人之汲汲營管而忽馬以死者雖有進 存者固不待施於事况於言乎予讀班固藝文志唐四 百不一二存馬予竊悲其人文章麗矣言語工矣無異 百餘為少者猶三四十為其人不可勝數而散亡磨減 Ų 歐陽文粹 1

思 司飲奉材操尺度縣以一法考其不中者而棄之雖有 廣文曾生來自南豐入太學與其諸生奉進於有司有 金月日居石雪 稍見稱於人既去而與奉士試於禮部得高第由是知 於文字間者皆可悲也東陽徐生少從予學為文章稍 以自警馬 名其文解日進如水涌而山出子欲推其風氣而勉其 也故於其歸告以是言然予固亦喜為文解者亦因 送曾鞏 卷十一

12 CO 12 1.15 生不非同進不罪有司告予以歸思廣其學而堅其守 **壘其於小者亦可以中尺度而有司棄之可怪也然曾** 者該曰有司有法奈不中何有司固不自任其責而天 得良有司不過及同衆人之歎嗟爱惜若取拾非己事 度一失守則往往失多而得少嗚呼有司所操果良法 魁壘拔出之材其一界黍 不中尺度則奪不敢取幸而 下之士亦不以責有司皆曰其不中法也不幸有司尺 何其久而不思華也况若曾生之業其大者固己則 歐陽文於

銀穴四扇全書 士之仕於州郡者公視其地大小寫下之望以為輕重 司又失之而獨余得也於其行也遂見於文使知生者 來京師京師之人無求曾生者然曾生亦不以干也子 予初縣其文又壯其志夫農不咎歲而苗播是勤其水 豈敢求生而生辱以顧予是京師之人既不求之而 早則已使 可以吊有司而賀余之獨得也 送 楊子聰 有殺則宜不多那曾生索其文數十萬言 有

欠こりる たけう 餞于郊途逢而不避市坐者不起豈素慢哉盖其見之 史方鎮牧守使人貴客由河南出者入不候於疆去不 某相某将其官者常名斤而一二歲數之至於郎官 以局過不揖反就馬持剌執板求通姓名雖心負其所 其 習也彼視公卿大臣要官其易如此矧所謂參軍者耶 矣然地大望高居者皆將相名臣吏民間坐而偶語道 不羣嘲而隨侮之幸也參軍每上府望門而趨吏摩 致陽之降

河南大府也祭軍雖早以望而高下之固與他州郡

鮮矣其才能之美非有異乎眾莫能也戶曹參軍楊子 故為之者未當樂也然其間能自以頭角順然而出者 薦之士之有文而賢者盡交之其能出其頭角矣若去 聽居府中常衣青衫騎破虎韉出入府門下人固輩視 有欲進自達不可得其勢鬱鬱甲且駁反甚於他州 ! 與南人樂其土風今秋滿調於吏部必吏於南也吾見 而之他州郡不特随然而出矣遂将傑然以獨立也子 而緊易之居一歲相國彭城公薦之集賢學士謝公又 郡

金好四月全書

羞然則士生其問其勢不得不至於為善也且必生知 數息以為三代之際士豈皆素賢哉當其王道備而習 俗成仁義禮樂達於學孝慈友悌達於家居有教養之 之賢及後世道缺學廢苟偽之俗成而忘其教養之具 南之州郡有傑然而獨出者必楊子聰也 進有爵禄之勸尚一不勉則又有屏點不齒教辱之 該問禮至於教民與學選賢命士之法未常不報書 送張唐民 交易 一千

賦予其熟能至哉則凡所謂賢者其可貴于三代之士 幸者或艱而後通夫賢者豈必因且艱數盖萬世則難 至於爵禄熙辱之法又失其方而不足以勸懼然則士 皆可使為善士廢則雖天所賦予其賢亦因於時夫天 合違俗則多窮亦其勢然也嗚呼人事修則天下之人 遠矣故善人尤少幸而有則往往飢寒困路之不服其 非不好善其不勝於人力者其勢之然敗此所謂天人 其間能自為善卓然而不惑者非其生知之性天所

翻定四庫全書

賢而知書三子丧其二獨生最賢行義開於鄉而好學 生者豈終窮也哉安知其不艱而後通也哉 司母老而貧無以養可謂因且數矣選乎予力既不能 力為古文是謂卓然而不感者也今年舉進士無於有 窮達而禍福皆可知而不足怪秀才張生居青州其母 之理在於周易否泰消長之卦能通其就則自古賢聖 周於生而生尤好易常以請於予若歸而卒其業則天 命之理人事之勢窮達禍福可以不動于其心雖然若

九巴日年 产生

歐陽文料

至於剥其卦五皆陰剥陽之卦也小人之道長君子静 德為君子柔為陰為險為小人自乾之初九為姤而 其位而吉亨利无咎凶属悔各之泉生馬蓋剛為陽為 剛柔之大用也至於八卦之變六文之錯剛與柔迷居 進 金分四屋看書 以退之時也自坤之初六為復而上至於夫其卦五皆 六經皆載聖人之道而易著聖人之用吉山得失動静 退易之事也其所以為之用者剛與柔也乾健坤順 送王陶

とこのるとう 大壮之永解曰大壮利貞其泉解曰君子非禮弗履大之录解 用其剛也審其力視其時知陰險小人之必可去然後以壮而決 陽而一陰陰不足為直可決之而已故其卦為去然則君子之 猶有二陰然陽衆而陰寡則可用壯以攻之故其卦為壯五 之三而四為大肚五為大肚者肚也大者決也四陽雖威而 剛之為德君子之常用也庇民利物功莫大馬其為卦過泰 剛決柔之卦也小人之道消君子動以進而用事之時也夫 之夫勇者可犯也强者可訟也聖人於壯決之用必有戒馬故 欧防文野

動以進之象故子為剛說以贈之大壮之初九曰壯于趾在 太原王陶字樂道好剛之士也常嫉世陰險之小人多居京 以禮以說以和而濟之則功可成此君子動以進而用事之方也 曰健而說決而和其录解曰居德則忌以明夫剛之不可獨任 師不妄與人遊力學好古以自信自守令其初仕於易得君子 而决之夫君子之用其剛也有漸而不失其時又不獨任必以正 也故復始而事臨浸而長泰交而大壯以衆攻其寡共乘其哀 凶夫之初九亦曰肚于趾性不勝為咎以此見聖人之

A c.) To not his histor 之君子少而小人多君之力學好剛以蓄其志未始施 免以虧兵食慎物有司謹之朝廷因舉田令約東州縣 言得免租者萬計令歲秋當租懼民幸水旱因緣得妄 於八月菽栗死萬田三司有言前時溢博州民冒河為 前年五月大霖雨殺麥河温東畿浸下田已而不雨至 之於事也令其往尤宜慎乎其初 用剛也不獨於其录象而又常深戒於其初嗚呼世 送王聖紀 歐陽大野

吏無遠近皆望風惡民言水旱一以農田物限甚者答 者還而或言吳或言否然言否者十七八最後視者還 而絕之畿之民訴其縣不聽則訴於開封又不聽則相 言民實災而更徒畏約東以苟自免爾天子聞之惧然 與聚於宣德門外訴於宰相於是遣吏四出視諸縣視 近而易知也雨降于天河溢于地與亦日之出是三者 盡蠲畿民之祖余當竊數曰民生幸而為畿民且緩急 之易見也前二三歲早蝗相連朝廷歲隨其災之厚簿

銀坑四扇全書

言易見之事告易側之仁然更壅之幾不得違况四海 關之西距京師在千里外民之不幸而事有隐微者何 之是在上者之爱人而仁人之心易惻也以易知之近 蠲其賦之多少至兵食不足則歲雅或入粟以爵而充 限其能生死曲直之者令與主簿尉三人而民之志得 通 何數使上有易惻之心不得達于下下有思告之苦不得 之大幾萬里而遠事之難知不若霖潦亦日之易見者 於上者吏居其間而壅之爾可勝數哉扶風為縣限 歐陽文於

學有文佐是縣也始試為政馬故以其夫所素數者告 不壅而聞于州州不壅而聞及上縣不壅而民志通者 **彭**定匹庫全書 令與主簿尉達之而已王君聖紀主簿於其縣理紀好 以勉馬而自弱者予為之字曰表民而告之曰古之君 校書郎章君常以其名望之來請字曰願有所教使得 子所以異乎衆人者言出而為民信事 行而為世法其 章望之字

次記四南全書 文其容民不尊也名山大川一方之望也山川之嶽瀆 修而尊者也然而行不充于內德不備於人雖盛其服 剛嚴果毅之色以為仁義之容服其服載其車立乎朝 足容掉讓發降獻酬俯仰莫不有容又見其寬柔温厚 曰此否民之所尊也非民之知尊君子而君子者能自 王珠琛以為行客衣裳黼黻以為身客手有手容足有 動作容貌皆可以表於民也故紅疑見弁以為首容佩 廷而正君臣出入宗廟而臨大事儼然人皆望而畏之 i 歐陽文粹

繫其安危如唐之表及相者天下之望也其人已沒其 事已人聞其名想其人若不可及者發龍稷契是也其 發于外如漢之大將軍出入將相朝廷以為輕重天下 鄭之子産者一國之望也位于中而姦臣賊子不敢竊 謂鄉先生者一鄉之望也春秋之賢大夫若隨之季良 徳被于後世者萬世之望也孝慈友悌達于一鄉古所 天下之望也故君子之賢於一鄉者一鄉之望也賢於 國者一國之望也名烈著于天下者天下之望也功

大三日巨 / T 志廣其說以塞請 馬者也是固能識夫遠大者矣雖予何以弱馬弟因其 文解則又辨博放肆而無涯是數者皆可以自擇而勉 學而有志其絜然修乎其外而煇然充乎其內以發乎 其在賢者識其大者遠者章君儒其衣冠氣剛色仁好 者周孔是也此萬世之望而皆所以為民之表也傳曰 功可以及百世其道可以師百王雖有聖賢莫敢過之 胡寅字 歐陽文幹

者直識其次第而已至于左丘明者載魯大夫之語 法而其君臣之際相言語者如是是知恭恪畏慎以思 者舉陶戒馬之言夫竟舜馬之事載於書者為萬世之 金灰口月在意 以為名者古之人生而有别之稱爾若太甲盤原仲士 云者舜物其臣伯夷之解也又曰同寅協恭和衷哉云 **竞命其臣羲和者修其官而史美之之文又曰夙夜惟寅** 寅之為言恭且畏之辭虞書寅賔出日寅餞納日云者 其事雖聖人 人猶然尉氏胡君名寅以問於余將字之余

然猶生服事之豈其生也已有滅商自大之心而名昌 者尤非也文王之世為商諸侯偶商不幸而紂為淫虐 謂命名有義而學者又以文王武王伯魚之類附其說 然因考于古取堯舜之書常所道告之而字曰子畏云 之稱未當有義也然考古人之命字者則似若有義益將釋其 鯉者逐名之若史魚孔鮒又有義者守則是直為識別 其子始生又期以我君而發其功業哉孔子生子適有饋 名曰其字若此而已胡君曰我所以問其字者將知其寅者何謂

えこりる シュ

歐陽文粹

彭定四库全書 亂用其小見以為聖人之祈止於此始非仁義而託理 三代之良學廢而道不明然後諸子出自老子厭周之 勸學為急首即楚人當以學干諸侯不用退老蘭陵華 首卿子獨用詩書之言貶異扶正者書以非諸子尤以 山湖齊秦坠白異同之論與聖人之學幾乎其息最務 智諸子因之益得肆其異說至於戰國蕩而不反然後 人尊之及戰國平三代詩書未盡出漢諸大儒賈生司 鄭荀改名

於是又見其志之果也夫首卿者未當親見聖人徒讀 鄭君年尚少而性淳明輔以强力之志得其是者而師 然也荣陽鄭昊少為詩賦舉進士已中第遂棄之曰此 馬遷之徒莫不盡用首卿子盖其為說最近於聖人而 馬無不至也將更其名數以請予使之自擇遂改曰首 不足學也始從先生長者學問慨然有好古不及之意 夏並進於孔子之門吾不知其先後也世之學者首如 其書而得之然自子思孟子已下意皆輕之使其與游

たこの見と写

₩ 歐陽文秤

金兵也因分言 首卿可謂學矣而又進馬則就能禦哉余既嘉君善自 擇而慕馬因為之字曰叔希且以弱其成馬 歐陽文粹卷十

たこうう ここう 漢與盖久而後出其散亂 磨滅既失其傳然後諸儒因 哀夫學者知守經以為信而不知偽說之亂經也屢為 得指其異說於其間如河圖洛書怪妄之尤甚者余當 欽定四庫全書 自 歐陽文粹卷十二 乳子殁而周裏接乎戰國泰遂焚書六經於是中絕 廖氏文集 Į 歐陽足粹 陳亮 編

所溺者可勝而奪也夫六經非一世之書其將與天地 則後之人不侍干嚴而有也同予說者既衆則衆人之 同其說也又二十歲將復有一人馬然則同者至于三 之見決千歲不可考之是非欲奪衆人之所信徒自守 無終極而存也以無終極視數千歲於其間頃刻爾是 而世莫之從也余以為自孔子沒至今二十歲之間有 歐陽修者為是說矣又二十歲馬知無一人馬與脩 以無之而學者消其久習之傳反駭然非余以一

金分口匠百十

求而同者矣亦何待於數千歲乎廖氏家衙山世以能 **常聞余言盖其意有所合馬然則舉令之世固有不相** Zalon Li 出洛之事也余乃知不待干歲而有與余同於令世者 始余之待于後世也異有因余言而同者爾若偁者未 朱陵編者其論洪範以為九畴聖人之法爾非有龜書 廖倚與余遊三十年已而出其兄偁之遺文百餘篇號 則余之有待於後者遠矣非汲汲有求於今世也衡山 知名於湖南而偁尤好古能文章其德行聞于鄉 歐易之年

金石四届全書 志馬不必有求而後合余嘉與偁不相求而兩得也於 呼知所待者必有時而獲知所畜者必有時而施苟有 盖遭時之士功烈顯于朝廷名譽光於竹帛故其常視 君子之學或施之事業或見於文章而常患於難無也 是乎書 文章為末事而又有不服與不能者馬至於失志之人 時賢士皆與之遊以其不達而早死故不顧于世鳴 薛簡肅公文集 巻十二

推無所施於世者皆一寓於文解故曰窮者之言易工 たこりほんち 以材能為名臣仁宗母后時以剛殺正直為賢輔其決 人者猶不能於两得况其下者乎惟簡肅公在真宗時 窮居隐約苦心危應而極於精思與其有所感激發憤 黎進士獻其文百軸於有司由是名動京師其平生所 於士大夫公緣州正平人也自少以支行推於鄉里既 大事定大議嘉謀議論著在國史而遺風餘烈至令稱 如唐之劉柳無稱於事業而姚宋不見於文章彼四 歐陽文料

業顯矣其於文章氣質深純而勁正盖發於其志故 金戶正月月十 為文至八百餘篇何其威哉可謂無於兩得也公之事 為後公之文 既多而往往 流散於人間公期能力收 其為人公有子直孺早卒無後以其弟之子仲孺公 盖自公费後三十年始克類次而集之為四十卷公期 世所傳孫武十三篇多用曹公杜牧陳皞注號三家孫 可謂能世其家者也嗚呼公為有後矣 梅聖俞注孫子後 期 如

グララ しここ 與董吕諸食角其力而勝之遂與吳蜀分漢而王傅言 戰國時事甚博而詳然前世言善用兵稱曹公曹公常 於兵兵之術非一而以不窮為帝宜其說者之多也凡 魏之諸将出兵千里每坐計勝敗授其成葬諸将用之 短投亦慨然最喜論兵欲試而不得者其學能道春秋 無出所謂三家者三家之注雖最後其說時時攻投之 子余頃與撰四庫書目所見孫子注者尤多武之書本 人之用智有短長其施設各異故或膠其說於偏見然 致傷之於

金丘匹庫全書 滅吳蜀豈武之析盡於此乎抑用之不極其能也後之 書干吳王闔問闔間用之西破楚北服齊晉而霸諸侯 從事其精於兵也如此收謂曹公於注孫子尤略盖惜 十不失一一有違者兵輒敗北故魏世用兵悉以新書 學者徒見其書又各牽於已見是以注者雖多而少當 其所得自為一書是曹公悉得武之街也然武皆以其 夫使武自用其書止于强伯及曹公用之然亦終不能 也獨吾友理介不然當評武之書曰此戰國相傾之說 卷十二

者皆扶去傅以已意而發之然後武之說不汩而明吾 ここうこ 知此書當與三家並傳而後世取其說者往往於吾聖 有次序而注者汨之或失其意乃自為注凡膠於偏見 文略而意深其行師用兵料敵制勝亦皆有法其言甚 世之視其書者與太史公疑張子房為壯夫何異 也三代王者之師司馬九伐之法武不及也然亦愛其 俞多馬聖俞為人謹質温恭衣冠進趨眇然儒者也後 韻總 缺易义等

徒各極其辨而莫能殫馬夫以孔子之好學而其所道 陰陽天地人思事物之變化君臣父子吉凶生死凡人 人之道直以簡然至其由而暢之以通天下之理以究 首卿子所謂藝之至者不兩能信哉儒者學乎聖人聖 仲工於為車而不能御王良造父天下之善御者也此 者自竟舜而後則詳之其前盖略而弗道其亦有所不 倕工於為弓而不能射昇與進蒙天下之善射者也奚 大偷則六經不能盡其說而七十子與孟子荀揚之

金好四月在書

前 僧鑒書為韻總五篇推子母輕重之法以定四聲考求 是以學者莫肯捨其所事而盡心乎此所謂不兩能者 之殊故儒者莫服精之其有精者則往往不能乎其它 形曲直毫釐之别音響清濁相生之類五方言語風 服 暇 也必待乎用心專者而或能之然後儒者有以取馬洛 者宜也文字之為學儒者之所用也其為精也有聲 者鄉儒之學者信哉遠且大而用功多則其有所不 儒之失辨正五方之訛顧其用心之精可謂入於忽 软易之卒 俗

學者莫能難也監車通於易能知大演之數又學乎陰 雖千里必求之介然有古獨行之即所謂用心專者也 子少為浮圖入武當山往來江漢之旁十餘年不妄與 字雜以夷夏讀者罕得其真往往就而正馬鑒車之書 人交有不可其意雖王公大人亦莫肯顧聞士有一藝 宜其學必至馬耳浮圖之書行乎世者數百萬言其文 陽地理黄帝歧伯之書其尤盡心者韻總也世本儒家

一多定四库全書

Ņ

被若櫛之於髮績之於絲雖細且多而條理不亂儒之

而無力雖近且易有不能致之象犀虎豹蠻夷山海殺 物當聚於所好而常得于有力之强有力而不好好之 者腰絕而入水形色非人往往不出則下飽蛟魚金礦 里之外經十餘譯乃至乎中國珠出南海常生深測 人之獸然其齒角皮革可聚而有也王出崑崙流沙萬 獨有取於吾儒亦欲傳於其徒也 山鑿深而穴遠篝火餘糧而後進其崖崩窟塞則 集古録目 Ī 致易之年

如 **動定四庫全書** 遂葬於其中者率常數十百人其遠且難而又多死禍常 刻石與夫漢魏已來聖君賢士桓碑桑器銘詩序記下 力則無不至也湯盤孔馬岐陽之鼓岱山鄭峰會稽之 至古文籍篆分隸諸家之字書皆三代以來至實怪奇 由世之好者少也幸而有好之者又其力或不足故 霜兵火湮淪磨減散棄於山崖墟來之間未當收拾者 · 偉魔工妙可喜之物其去人不遠其取之無禍然而風 《此然而金玉珠璣世常無聚而有也凡物好之而有

有卷秩次第而無時世之先後盖其取多而未已故 有以為集古録以為轉寫失真故因其石本軸而藏之 大澤窮崖絕谷荒林破塚神仙鬼物龍怪所傳莫不皆 性調而皆古凡世人之所貪者皆無欲於其間故得 周穆王以來 下更泰漢隋唐五代外至四海九州名山 得其一二而不能使其聚也夫力莫如好好莫如一 其 得而録之又以為聚多而終必散乃撮其大要別 好於斯好之已篤則力雖未足猶能致之故上自 とりこ 予 嶞

益於多聞或幾予曰物多則其勢難聚聚久而無不散 為録目因并載夫可與史傳正其闕謬者以傳後學庶 意天下事始用諫官御史疏追還夏疎制書既而召韓 慶思三年春丞相吕夷簡病不能朝上既更用大臣欽 琦范仲淹於陕西又除富弼樞塞副使弼仲淹琦 犀金玉之聚其能果不散乎予固未能以此而易彼也 必區區於是哉予對曰足吾所好玩而老馬可也象 外制集

欽定四庫全書

卷十二 料

賢相遭萬世一遇而君臣之際何其威也於是時天下 恐頓首解讓至五六不已手部趣琦等就道也急而弱 滑臺入諫院冬十二月拜右正言知制點是時夏人雖 方且入求對以解不得見遣中貴人趣送問門使即受 數請命而四師尚未解嚴京東界歲盗賊最後王倫暴 之士孰不願為村邪顧子何人亦與其選夏四月召自 命嗚呼觀琦等之所以讓上之所以用琦等者可謂聖 沂州轉劫江淮之間而張海郭狼山等亦起商鄧以

11.1 P. C. C.

歐馬文粹

驚京西州縣之吏多不稱職而民弊矣天子方概然勸 農桑興學校破去前例以不次用人良民之因而欲除 掌語命猶在諫職常得奏事殿中從容盡聞天子所以 百職之不修而申行當罰之信盖欲修法度矣予時雖 其盡更知磨勘法久之弊而思别材不肖以進賢能患 注又修編物日與同舍論議治文書所省不一而除目 更張無事憂関元元而勞心求治之意退得載于制書 **級晚訓物在位者然予方與修祖宗故事又修起居**

銀好四月全書

大己の日八十 一二足以章示後世盖王者之訓在馬豈以予文之鄙 學者文章見用于世解矣况得施於朝廷而又遭人主 制草而閱之雖不能盡載明天子之意於其所述百得 致治之威若脩之鄙使竭其材猶恐不稱而况不能專 字以盡尊天子難輸之意而復語命於三代之文嗟夫 北轉運使又明年春權知成德軍事事少間發網所作 所下率不一二時已迫丞相出故不得專一思慮工文 其職此予所以常遺恨於斯文也明年秋予出為河 歐陽文粹

取 才處之惟翰林學士非文章不可思公自言為此語 昔錢思公常以謂朝廷之官雖宰相之重皆可雜以他 而廢也於是録之為三卷子自直閣下爆直八十始滿 不數日奉使河東還即以來河北故其所作總一 丁餘為云 怒於達官然亦自負以為至論令學士所作文書多 内制集 必用老子浮圖之說祈禳私祝 百五 往往 頗

金分四月在書

次定四車全書 常格甲弱不振宜可羞也然今文士尤以翰林為禁選 予既罷職院吏取予直草以日次之得四百餘篇因不 零落以非工之作又無所遇以發馬其屑屑應用拍牽 所謂四六之文其類多如此然則果可謂之文章者歟 令訓戒約束自非因事無以發明别子中年早衰意思 近於家人里巷之事則制詔取便於宣讀常拘以世俗 下無事四夷和好兵革不用凡朝廷之文所以指尾號 在翰林六年中問進拜二三大臣皆適不當直而天 N 歐陽文粹

載而時政記日歷與起居郎舍人有所略而不記未分 官出處顧瞻王堂如在天上因覽遺養見其所載職官 涼竹節之暑風眼茅簷之冬日睡餘支枕念背平生仕 不有取於斯馬鳴呼予且老矣方買田淮 忍奪况其上自朝廷內及官禁下暨蠻夷海外事無不 名氏以較其人盛衰先後熟在熟亡足以知榮罷為虎 名而資笑談之一處也亦因以誇於田夫野老而已 頻之間若夫

7:1:1

South the selection of 先王之道不明而異端之說並起孔子患之乃修正詩 能而闕其不知慎所傳以惑世也方孔子時周東學奏 其傳者豈非以其遠也哉是故君子之學不窮遠以為 欽定四庫全書 堯舜禹湯文武此六君子者可謂顯人矣而後世猶失 歐陽文粹卷十三 帝王世次圖 歐锡文件 陳亮 編

金分四库全書 稍出而不完當王道中絕之際奇書異說方充斤而歐 副接子戰國秦遂校書先王之道中絕漢興久之詩書 書史記以止紛亂之說而欲其傳之信也故略其遠而 行其言往往及自託於孔子之徒以取信於時學者既 而已至於三皇五帝君臣世次皆未當道者以其世遠 詳其近於書斷自唐虞以來者其大事可以為世法者 而慎所不知也孔子既沒異端之說復興周室亦益東 不備見詩書之詳而習傳盛行之異說以世無聖人以

大き日日 白古 其失之多也選所作本紀出於大戴禮世本諸書今依 遭之也如司馬遷之史記是矣以孔子之學上述前世 聞以為勝者於是盡集諸說而論次初無所擇而惟恐 為質而不自知其取捨真偽至有博學好奇之士務多 其說圖而考之堯舜夏商周皆同出於黃帝堯之前也 乃上述黃帝以來又詳悉其世次其不量力而務勝宜 止於堯舜著其大略而不道其前邊遠出孔子之後而 下傳其四世孫舜舜之崩也復上傳其四世祖禹而舜 歐陽文粹

一者孔子皆己論者之矣其久遠難明之事後世不必知 十五世祖臣事十五世孫紂而武王以十四世祖代十 馬皆壽百歲稷契於高辛為子乃同父異母之兄弟今 四世孫而代之王何其繆哉嗚呼堯舜禹湯文武之道 不知不害為君子者孔子皆不道也夫孔子所以為聖 百王之取法也其盛徳大業見於行事而後世所欲知 約王季下傳一世而為文王二世而為武王是文王以 以其世次而下之湯與王季同世湯下傳十六世而為

金贝巴尼白書

考正而云也然豈獨無書之如此余讀經解至其別易 哉盖其自傷不得親見聖人之作而傳者失其真莫可 孟子曰盡信書不如無書夫孟子好學者宣獨忽於書 TYPE TOTAL STATE 人者其智知所取捨皆如此 者至其繁雜則又曰聖人設卦繁雜馬欲考其真而莫 曰差若毫釐謬以千里之說又讀今周易有何謂子曰 可得然後知孟子之歎盖有激云爾說者言當秦焚書 傳易圖 歐陽文粹

其言作論語書其首必以子曰者所以别夫子與弟子 應自稱子曰又其作於一時文有次第何假子曰以簽 金欠口屋全書 故每更一事心以子曰以起之若文言者夫子自作不 時易以下筮得獨不焚其後漢與他書雖出皆多殘缺 之乃知今周易所載非孔子文言之全篇也盖漢之易 之言又其言非一事其事非一時文縣屬而言難次第 易亦有亡者耶是亦不得為完書也昔孔子門人追記 而易經以故獨完然如經解所引考於今易亡之豈今

凡有子曰者亦皆講師之說也然則令易皆出乎講師 臨時之說矣幸而講師所引者得載於篇不幸其不及 春秋先言何曷而後等其師之所傳以為傳曰今上繁 自為答問之言爾取卦體以為答也亦如公年穀於傳 故以子曰起之也其先言何謂而後言子曰者乃講師 大江 马車 公本司 取不徒存者不完而其偽謬之失其可究耶夫繁者有 引者其亡豈不多邪嗚呼思弟子之相傳經講師之去 師擇取其文以解卦體至其有所不敢則文斷而不屬 歐陽文粹

金分口及台雪 其為辭各縣屬其一文者也是則孔子專指文辭為繁 所繁之謂也故曰繁辭馬以斷其古凶是故謂之文言 卦文之辭或以為文王作或以為周公作孔子言聖人 辭而今乃以孔子替易之文為上下繁雜者何其謬也 一儒已有此名不知從何而失之也漢去周最近不應有 之諸卦其辭非有所繫不得謂之繁辭也必然自漢諸 其所作又為繁辭也况其文乃概言易之大體雜論易 設卦繁雜馬是斤文王周公之作為繁雜不必復自名

大下已日·日人二十一 歐陽文粹 止於王弼其後雖有述者不必皆其授受但其傳之而 考者又可知矣今徒從夫臆出之說果可盡信之邪此 孟子所數其不如亡者也易之傳注比他經為尤多然 曰需于血出自穴良之辭曰艮其限列其寅縣之辭曰 失然漢所為繁辭者得非不為今之繁辭子易需之辭 那文言繁解有可考者其證如此而其非世常言無可 訓故考發而學者出其脆見隨事為解果得聖人之旨 見死負塗載鬼一車是皆險怪奇絕非世常言無為有

言說卦等自為十篇而有章句凡學有章句者皆祖之 易田何之易傳自孔子有上下二篇又有家聚辭文 田氏焦賴之易無所傳授自得乎隐者之學專於陰陽 已大抵易至漢分為三有田何之易焦發之易費直之 無所授又無章句惟以录象文言等十篇解上下經凡 占察之術凡學陰陽占察者皆祖之焦氏費直之易亦 於漢末費氏獨與遞傳至鄭康成而王弼所注或用康 以表象文言等參入卦中者皆祖之費氏田焦之學廢

金人口及白書

成之說是弼即鄭本而為注今行於世者惟有王弼易 其源出於費氏也孔子之古經亡矣 篇為小雅二篇在召南之風成王之詩五十三篇其十 南召南其八篇為小雅六篇為大雅武王之詩六篇四 文王之詩三十七篇其二十三篇繁之周公召公為周 周之詩自文王始成王之際頌聲與馬周之盛德之極 久小月日本 篇為小雅十二篇為大雅三十一篇為領是為詩之正 詩圖

金万巴四百里 愛風自懿王始作懿王時齊風始愛夷王時衛風始夢 太王之事故繁之幽謂國變風而諸侯之詩無正風其 大夫作詩七篇周之太史以為周公詩主道幽國公劉 莊而詩止矣初成王立周公攝政管察作亂周公及其 周周之室益微而平王之詩貶為風下同列國至於桓 **變雅始作厲王死於風天下無君周公召公行政謂之** 共和凡十四年而厲王之下太子宜臼遷於洛邑號東 經其後二世昭王立而周道微闕又六世属王政益求

未刑詩之前季礼所聽周樂次第也周召那都衛王鄭 史先後不同周召王盛皆出於周邶都合於衛橋魏世 先後也周召那都衛王鄭齊幽秦魏唐陳僧曹此孔子 家絕其可考者七國而已陳齊衛晉曹鄭魏此變風之 陳最後至頃王時猶有靈公之詩於是止矣盖自文至 次属王時陳風始變厲王崩周召共和唐風始變次宣 項凡二十世王澤竭而詩不作今鄭之詩次比考於信 王時春風始愛至平王時鄭風始愛惠王時曹風始愛

られている。 「ATTION TO ATTION TO ATTI

歐陽文粹

金分口屋有量 成功法真大於夏矣康成所作詩譜圖自共和而後始 子之禮樂故有領而商領至孔子之時存者五篇而夏 馬其外魯之頌四篇商頌五篇鄭康成以為魯得用天 齊魏唐春陳僧曹極此今詩之次第也考其得封之先 之以見前儒之得失今既依鄭為圖故風雅變王與其 得春秋次序令其圖亡今略準鄭遺說而依其次第推 須己亡故録魯詩以備三頌著為後王之法監三代之 後為國之大小與其詩作之時皆失其次說者莫能究 卷十三

るというという 去九以子考之選說然也何以知之今書傳所載逸詩 三百鄭學之徒皆以選說之謬言古詩雖多不容十分 序所不言而說者推定世次皆且從鄭之意其所失者 可指而見馬司馬選謂古詩三十餘篇孔子則之存者 何可數馬以圖推之首更十君而取其一篇者又有二 -餘君而取其一君由是言之何啻乎三千詩三百一 一篇亡者六篇存者三百五篇云 詩譜補亡 歐陽文粹

棄於秦自漢己來收拾亡逸發明遺義而正其能緣得 歐陽子曰昔者聖人已沒六經之道幾處於戰國而焚一 尚非詳其終始而抵牾質於聖人而恃理害經之甚有 之所傳而較其得失或有之矣若使徒抱焚餘殘脫之 以粗備傳於今者豈一人之力哉後之學者因迹前世 立一家之學者果有能哉吾未之信也然則先儒之論 經長長於去聖千百年後不見先儒中間之說而欲特 不得已而後改易者何必徒為異論以相訾也毛鄭於 卷十三

金分口月有書

者意其為說不止於箋傳而恨已不得盡見二家之書 契下追陳靈公千五六百歲之間旁及列國君臣世次 詩其學亦已博矣予當依其箋傳考之於經而證以序 未能偏通其古夫不盡見其書而欲折其是非猶不盡 惡方言訓故盛衰治亂美刺之由無所不載然則孰能 國地山川封域圖牒鳥獸草木魚點之名與其風俗善 語情其不合者順多盖詩述商周自生民玄鳥上陳 稷 CA. 10 ... 1 2.1. 無失於其間哉予疑毛鄭之失既多然不敢輕為改易 歐陽文學

有四國而其次比莫詳其義惟封國變風之先後不可 致太平已上皆亡之其國譜旁行尤易為說好悉皆顛 以不知周台王強同出於周邶郁并於衛槍魏無世家 倒錯亂不可復考凡詩雅頌兼列商魯其正變之風十 州偶得馬其文有注而不見名氏然首尾殘缺自周公 之心服乎世言鄭氏詩譜最詳求之久矣不可得雖崇 文總目秘書所藏亦無之慶思四年奉使河東至於絳 人之辭而欲斷其訟之曲直其能果於自決乎其能使

多好四库全書

らんっしり いたう 郭譜當略考春秋史記本紀世家年表而合以毛鄭之 說為詩圖十四篇今因取以補鄭譜之亡者足以見二 鄭氏詩譜次第也點僧後陳此今詩次比也初予未見 家所說世次先後甚備因據而求其得失較然矣而仍 歌之次第也周名鄉都衛王檀鄭齊魏唐秦陳曹幽此 王鄭齊幽秦魏唐陳曹此孔子未刑詩之前周太師樂 槍陳唐秦郭魏曹此愛風之先後也周南名南北都衛 其可考者陳齊衛晉曹鄭春此封國之先後也幽齊衛 歐陽文粹

其譜十有五補其文字二百七增損塗乙改正者三百 而有所不通然後得以論正予豈好為異論者哉凡補 存其圖無幾以見予於鄭氏之學盡心馬耳夫盡其說 八十三而鄭氏之譜復完矣 歐陽文粹卷十三 譜序自周公致太平已上皆亡其文予取孔額達正 義所載之文補足因為之注自周公已下即用舊注

金分正是有言

欲為則天下幸甚於是詔書屬下勸農桑責吏課舉賢 皆震恐失位俯伏頓首言此非愚臣所能及唯陛下所 スポラミン·ニ 慶歷三年秋天子開天章閣召政事之臣八人問治天 欽定四庫全書 ,其要有幾施於今者宜何先使坐而書以對八人者 歐陽文粹卷十四 記 吉州學 欠易こと 宋 陳亮 編

喜幸而奔走執事者以後為羞其年十月吉州之學成 美之事須其久而後至於大備數是以記下之日臣民 也宋興盖八十有四年而天下之學始克大立豈非威 學術有序黨有库家有塾此三代極威之時大備之制 才其明年三月遂詔天下皆立學置學官之員然後海 政之本也古者致治之盛衰視其學之與廢記曰國有 隅徼塞四方萬里之外莫不皆有學嗚呼威矣學校王 州舊有夫子廟在城之西北今知州事李侯寬之至也

以為勞其良材堅躄之用凡二十二萬三千五百而人 一一百五十萬以助用人之力積二萬二千工而人不 17 C. JOHN MINT 18 1 替揚天子之或美退不得與諸生揖讓乎其中然子聞 來學者常三百餘人子世家於吉而濫官於朝進不能 游息之亭嚴嚴翼翼北偉問耀而人不以為侈既成而 不以為多學有堂庭蘇講有藏書之閣有廣客之位有 遂以成李侯治吉敏而有方其作學也吉之士率其私 **謀與州人選而大之以為學舍事方上請而詔已下學** 歐場定阵

動其入於人者漸善教者以不倦之意須運久之功至 教學之法本於人性磨揉選革使趨於善其勉於人者 中止幸予他日因得歸祭故鄉而謁於學門将見古之 立而不及待其成惟後之人母廢慢天子之詔而怠以 不得久其職而躬親於教化也故事侯之績及於學之 中禮節入於其里而長幼相孝慈於其家行於其郊而 於禮讓與行而風俗純美然後為學之成今州縣之吏 士皆道德明秀而可為公鄉問於其俗而婚喪飲食皆

一多定四月全書

巻十四月

入學者必釋菜以禮其先師其學官四時之祭乃皆釋 其無以俟 獻酬之酒以詩頌天子太平之功而周覽學舍思詠幸 成而得時從先生者老席于衆廣之後聽鄉樂之歌飲 釋英釋菜祭之略者也古者士之見師以菜為挚故始 侯之遗愛不亦美哉故於其始成也刻解於石而立諸 少者扶其贏老此者代其負荷於道路然後樂學之道 穀城夫子廟 敗場之降

一多页区库全書 | 英釋真有樂無尸而釋菜無樂則其又略也故其禮亡 高弟曰顏回者而配馬以為先師隋唐之際天下州縣 無以易學校廢久矣學者莫知所師又取孔子門人之 沒後之學者莫不宗馬故天下皆尊以為先聖而後世 孔子其國之無馬者則必合於鄰國而祭之然自孔子 各自然其先聖先師若唐虞之夔伯夷周之周公魯之 行事而已記曰釋真必有合樂國有故則否謂凡有國 馬而今釋真幸存然亦無樂又不偏舉於四時獨春秋

學廢而釋真之禮吏以其著令故得不廢學廢矣無所 皆立學置學官生員而釋真之禮遂以著令其後州縣 見官為立祠而州縣莫不祭之則以為夫子之尊由此 也然使其得勢則為堯舜矣不幸無時而沒特以學者 之故享弟子春秋之禮而後之人不推所謂釋真者徒 從祭則皆廟而祭之首鄉子曰仲尼聖人之不得勢者 謂有徳之報雖堯舜英若何其診論者與祭之禮以迎| 為威甚者乃謂生雖不得位而沒有所享以為夫子榮

多定四库 全書 盡心馬殼城令秋君栗為其色未通時脩文宣王廟易 王之禮器馬其姓酒器幣之數升降俯仰之節吏又多 之所謂古山鄉射廣燕之禮民得而見馬者今皆廢失 有樂舞授器之禮今又廢則於其略者又不備馬然古 見者怠馬因以為古禮不足復用非師古好學者莫肯 不能習至其臨事舉多不中而色不胜使民無所瞻仰 而州縣幸有社稷釋莫風雨雷師之祭民猶得以識先 尸的色為盛釋莫薦鎮直莫而已故日祭之略者其事

與學急其有司所不責者認認然惟恐不及可為有志 穀城縣政久廢狄君居之春月稱治又能遵國典脩禮 或不能喻上之意凡有司簿書之所不責者謂之不急 子又加至聖之號以褒崇之講正其禮下於州縣而吏 偷禮樂尊儒術以文太平之功以為王爵未足以尊夫 若干以與其色人行事宋與於今八十年天下無事方 之子弟與於學就後考制度為俎豆蓮龍鳟爵簠簋凡 於縣之左大其正位為學舍於其旁藏九經書率其已

欽定四庫全書 之士矣 仁宗御飛白

治平四年夏五月余将赴亳假道于汝陰因得閱書於

子履之室而雲章爛然輝映日月為之正冠肅容再拜

所藏也胡為於子之室子子履曰曩者天子宴從臣於 而後敢仰視盖仁宗皇帝之御飛白也曰此實文閣之

悦於時人流離竄斤十有餘年而得不老死江湖之 羣玉而賜以飛白余幸得與賜馬子窮於世久矣少不

清光家恩寵登金門而上玉堂者乎於是相與汝然流 を己の事 とい 無知猶能悲歌思慕於隴山之間而况儒臣學士得望 時豊祭民物安樂天子優将清閒不通春色方與羣臣 者盖以遭時清明天子鄉學樂育天下之材而不遺一 仁宗之德澤涵濡於萬物者四十餘年雖田夫野老之 臣之榮遇亦朝廷一時之威事也子其為我志之余日 從容於翰墨之娱而余於斯時竊獲此賜非惟一介之 介之贱使得與羣賢並遊於儒學之館而天下無事歲 歐陽史粹

藏於子室也吾知将有望氣者言禁光起而屬天者光 金分で万人言言 賜書之所在也 山輝如白虹水變而五色者至寳之所在也今賜書之 涕而書之夫玉韞石而珠藏淵其光氣常見於外也故 醴陵縣東二十里有宫曰登真其前有山世傳仙人王 大字賜而揭馬太宗皇帝時詔求天下前世名山異迹 **喬鍊樂於此唐開元間神仙道家之說與天子為書六** 御書閣

PANDING ALLE 凡八十而所謂登真者其說皆然乃為之記夫老與佛 予所領職方悉掌天下圖書考圖驗之體陵老佛之居 處士任君為予言其事來乞文以志凡十餘請而不懈 市工材悉復官之舊建樓若干尺以藏賜書子之故人 而尤好書法聞登真有開元時所賜字甚奇乃取至京 大火獨飛白書存康定元年道士彭知一探其私篋以 師関馬已而還之又賜御書飛白字使藏馬其後登真 之學皆行於世久矣為其徒者常相訾病若不相容於 歐陽丈粹

世人則其為事同馬而佛能箝人情而鼓以禍福人之 惡雖善辯者不能合二説而一之至其好大官室以於 世二家之說皆見斥於吾儒宜其合勢并力以為拒守 佛氏之動搖與作為力甚易而道家非遭人主之好尚 所持之説相盭而然邪故其代為興衰各繫於時之好 而乃反自相攻惟恐不能相弱者何哉豈其死生性命 趣者常衆而熾老氏獨好言清淨遠去靈仙飛化之所 其事冥深不可質究則其為當以淡泊無為為務故凡 卷十四;

金好四月 全書

知 不能獨與其間能自力而不廢者豈不賢於其徒者哉 一是己

畫錦堂

仕官而至将相當貴而歸故鄉此人情之所祭而今告

侮之若季子不禮於其嫂買臣見棄於其妻一旦高車 之所同也盖士方窮時因院問里庸人孺子皆得易而

贈望咨嗟而所謂庸夫愚婦者奔走駭汗羞,愧俯伏以 駟馬旗旄導前而騎卒擁後夾道之人相與駢肩累迹

文三日草白雪

歐陽文粹

氣之威昔人比之衣錦之榮者也惟大丞相衛國公則 惟德被生民而功施社稷勒之金石播之聲詩以雅後 所謂将相而富貴皆公所宜素有非如窮死之人僥倖 科登顯仕海内之士聞下風而望餘光者盖亦有年矣 自悔罪於車塵馬足之間此一介之士得志當時而意 也然則高牙大纛不足為公祭桓主家見不足為公貴 得志於一時出於庸夫愚婦之不意以驚駭而夸耀之 不然公相人也世有令德為時名鄉自公少時已權高

Strate Siting 哉故能出入将相勤勞王家而夷險一節至於臨大事 謂社稷之臣矣其豐功盛烈所以銘桑鼎而被強歌者 決大議垂紳正荡不動聲色而惜天下於泰山之安可 而以為戒於此見公之視富貴為何如而其忘豈易量 言以快恩雖於名譽為可簿盖不以昔人所夸者為禁 世而垂無窮此公之志而士亦以此望於公也豈止夸 相乃作畫錦之堂於後圃既又刻詩於石以遺相人其 一時而榮一鄉哉公在至和中當以武康之節來治於 歐陽文粹

書 金定四月全書 乃邦家之光非問里之禁也余雖不獲登公之堂幸當 竊誦公之詩樂公之志有成而喜為天下道也於是乎

有美堂

嘉祐二年龍圖閣直學士尚書吏部即中梅公出守於

賜詩之首章而名之以為杭人之榮然公之甚愛斯堂

也雖去而不忘今年自金陵遣人走京師命予誌之其

杭於其行也天子寵之以詩於是始作有美之堂盖取

之乎宽閉之野寂寞之鄉而後得馬覽人物之盛麗考 請至六七而不倦予乃為之言曰夫舉天下之至美與 其樂有不得而兼馬者多矣故窮山水登臨之美者必 盖彼放心於物外而此好意於繁華二者各有選馬然 都邑之雄富者必據乎四達之衝舟車之會而後足馬 庭之廣三峽之險號為東南奇偉秀絕者乃皆在子下 其為樂不得而無也今夫所謂羅浮天台衛嶽廬阜洞 STITUTE LINE 州小邑僻陋之那此幽潜之士窮愁放逐之臣之所樂 歐陽丈粹

一覽者莫不為之躊躇而悽愴獨錢塘自五代時知尊中 然二邦皆偕竊於亂世及聖宋受命海內為一金陵以 也若乃四方之所聚百貨之所交物威人聚為一都會 後服見誅令其江山雖在而頹垣廢址荒煙野草過而 而又能兼有山水之美以資富貴之好者惟金陵錢塘 完安樂又其習俗工巧邑屋華麗盖十餘萬家環以湖 山左右映帶而閩商海賈風帆浪舶出入於江濤浩測 國效臣順及其亡也項首請命不煩干戈令其民幸富

金好四月全書

梅公清慎好學君子也視其所好可以知其人馬 邑居之繁一寓目而盡得之盖錢塘兼有天下之美而 者心有遺於彼獨所謂有美堂者山水登臨之美人物 大三日日 ニュー 形勝治亭樹相與極遊覽之娱然其於所取有得於此 大臣若天子之侍從又有四方遊士為之廣容故喜占 煙雲杏靄之間可謂威矣而臨是那者心皆朝廷公即 斯堂者又盡得錢塘之美馬宜子公之甚愛而難忘也 至喜堂 歐陽文粹 1

無百貨之列而鮑魚之肆不可入雖邦君之過市必常 金分四月全書 為下縣而峽為小州州居無那郭通衛不能容車馬市 儉陋常自足無所仰於四方販夫所售不過鱅魚腐鮑 峽州治夷陵地濱大江雖有椒漆紙以通商賈而民俗 俗信思神其相傳曰作瓦屋者不利夷陵者楚之西境 民所嗜而已富商大賈皆無為而至地解而貧故夷陵 之間上父子而下畜丞其覆皆用茅竹故歲常火災而 下來掩鼻以疾趨而民之列處竈原医井無異位一室

成又與賓客偕至而落之夫罪戾之人宜無惡地處窮 然數景祐二年尚書駕部負外郎朱公治是州始樹木 古春秋書荆以秋之而詩人亦曰靈荆豈其陋俗自古 朱公於其有舊且哀其以罪而來為至縣舍擇其聽事 **廩異人畜以愛其俗既又命夷陵令劉光裔治其縣起** 增城柵覺南北之街作市門市區又教民為瓦屋別電 人こうり といかり 之東以作斯堂度為疏絜高明而日居之以休其心堂 物書樓飾廳事新吏舍三年夏縣功畢其有罪來是那 歐陽文粹

然不知夷陵風俗朴野少盗爭而令之日食有稻與魚 險使其憔悴憂思而知自悔各今乃賴朱公而得善地 者多不欲遠來而居者往往不得代至歲滿或自罷去 道大江絕淮抵汴東水門五十五百有九十里故為吏 意然夷陵之僻陸走荆門襄陽至京師二十有八驛水 以偷宴安頑然使忘其有罪之愛是皆異其所以來之 又有橘柚茶筍四時之味江山美秀而邑居繕完無不 可愛是非惟有罪者之可以忘其憂而凡為吏者莫不

金公口屋有書

雖平而有土與民宜志其風俗變化之善惡使後來 ていう met Aikin 始來而不樂既至而後喜也作至喜堂記藏其壁夫令 有考馬爾 歐陽文粹 1

画ではおり	· 炎易文卒卷十四		金贝巴尼全世
	国		卷十四